

Møteprotokoll

Utvalg: Nasjonalparkstyret for Jotunheimen og Utladalen
Møtestad: Telefonmøte
Dato: 27.11.2015
Tidspunkt: 09:00 – 9:40

Følgjande faste medlemmer møtte:

Namn	Funksjon	Representerer
Mai Bakken	Leiar	
Ivar Kvalen	Nestleiar	
Vidar Eltun	Medlem	
Arild Ingar Lægreid	Medlem	
Frida Melvær	Medlem	

Følgjande medlemmer hadde meldt forfall:

Namn	Funksjon	Representerer
Jørاند Ødegaard Lunde	MEDL	
Iselin Jonassen	MEDL	

Følgjande varamedlemmer møtte:

Namn	Møtte for	Representerer
Tor Jevnheim	Jørاند Ødegaard Lunde	

Merknader

Ivar Vistekleiven var innkalla som vara, men møtte ikkje.

Frå administrasjonen møtte:

Namn	Stilling
Magnus Snøtun	Nasjonalparkforvaltar
Kari Sveen	Nasjonalparkforvaltar
Rigmor Solem	SNO

Underskrift:

Vi stadfestar med underskriftene våre at det som er ført på dei sidene vi har signert i møteboka, er i samsvar med det som vart vedteke på møtet.

Vidar Eltun
(sign.)

Frida Melvær
(sign.)

Mai Bakken
(sign.)

Saksliste

Utvalgs- saksnr	Innhold	Lukket	Arkiv- saksnr
ST 62/2015	Godkjenning av protokoll/innkalling		
ST 63/2015	Nasjonalparkstyret for Jotunheimen og Utladalen - Bestillingsdialog med Statens naturoppsyn 2016		2015/7435
ST 64/2015	Jotunheimen nasjonalpark - Dispensasjon - Motorferdsel - 2016 - Bruk av snøscooter for filming – NRK		2015/7307
ST 65/2015	Eventuelt		

ST 62/2015 Godkjenning av protokoll/innkalling

Saksprotokoll i Nasjonalparkstyret for Jotunheimen og Utladalen - 27.11.2015

Vedtak

Ingen merknad til sakliste og innkalling

Protokoll frå møte 12.10.15 godkjent.

Vidar Eltun og Frida Melvær vart valde til å signere protokollen saman med leiar.

ST 63/2015 Nasjonalparkstyret for Jotunheimen og Utladalen - Bestillingsdialog med Statens naturoppsyn 2016

Saksprotokoll i Nasjonalparkstyret for Jotunheimen og Utladalen - 27.11.2015

Vidar Eltun uttrykte ønskje om å få Valdressida meir synleg på tiltakssida.

Arild Ingar Lægreid spelte inn behov for betre sanitærforhold ved Vetti gard, som ligg ved ein sentral innfallsport.

Ivar Kvalen meinte vi burde søke om tiltak, berre for å få synleggjort behova.

Retting i vedlegg 2, SNO-ressurs: Det skal stå *vekesverk*, ikkje dagsverk, i overskrifta.

Vedtak

Nasjonalparkstyret for Jotunheimen og Utladalen sluttar seg til at det vert søkt om tiltaksmidlar via elektronisk søknad til bestillingsdialogen 2016 til følgjande tiltak – jf. vedlagt forslag til tiltaksplan:

Informasjon/tilrettelegging i tråd med besøksstrategi og forvaltningsplan

- Pilot innfallsport Sognefjellshytta ved Fv. 55
- Informasjonstavler/skilt på Krossbu og Turtagrø for implementering av ny design/merkevare over ei samanhengande strekning
- Nytt skilt Juvflye
- Drift Turapp Jotunheimen i prosjektperioden 2016

Vedlikehald av stinettet i Jotunheimen og Utladalen. Ulike tiltak tilpassa områda over tid

- Skagadalen og ved Krossbu, og andre plassar med skade eller fare for erosjon

Skjøtsel, vidareføring av etablert opplegg:

- Slått på Skåri, Avdalen og Vetti (heimre Utladalen)
- Styrt beite på Skåri, Avdalen og Vetti (heimre Utladalen)
- Styving/rising av alm og lind. Vedlikehald av styvingstre i heimre Utladalen
- Krattrydding/vedlikehald Guridalen
- Styrt beite ved Gjendebu (geit)
- Styrt beite ved Gjendebu (storfe)
- Kratt og skogrydding/vedlikehald Gjendebuområdet

Andre tiltak

- Barnas Naturoppsyn

Endeleg prioritering av tiltak blir gjort på nyåret 2016 etter at tildeling av midlar er klart. Nasjonalparkstyret vurderer god besøksforvaltning som ei særleg viktig oppgåve, da dette skal gje grunnlag for bruk av verneområda som ein ressurs for lokalsamfunnet. For å kunne nytte nasjonalparkane som merkevare og trekkplaster i reiselivet, er det nødvendig at bruken skjer på ein måte som sikrar verneverdiane. Det må derfor satsast på informasjon, kanalisering av ferdsel utanom sårbare område, og restaurering og tilrettelegging i område definert som brukssoner som toler meir intensiv bruk.

Naturrettleing

Jotunheimen hadde svært gode erfaringar med naturrettleiar i sommarsesongane 2009-2014, og Nasjonalparkstyret finn det svært beklageleg at denne tenesta vart teke ut av statsbudsjettet frå og med 2015.

Bestilling av tenester frå SNO:

- Merking for sikring av utsett strekning på Knutshø
- Oppfølging av ferdselsteljarar på Sognefjellet og ved Knutshø (eco-counter)
- Oppfølging av tilrettelegging og vedlikehald stignett
- Oppfølging av prioriterte skjøtselstiltak i medhald av plan
- Kartlegging og overvaking av rovfuglar
- Kartlegging og overvaking av fjellapollosommarfugl
- Barnas Naturoppsyn og andre skuleopplegg

Nasjonalparkstyret ser gjerne at tiltak knytt til innfallsportane i Vang og Årdal blir lagt inn i tiltakslista for å synleggjera behova

ST 64/2015 Jotunheimen nasjonalpark - Dispensasjon - Motorferdsel - 2016 - Bruk av snøscooter for filming – NRK

Saksprotokoll i Nasjonalparkstyret for Jotunheimen og Utladalen - 27.11.2015

Vidar Eltun viste til at ein alltid må vurdere om denne typen motorferdsel kan leggjast til areal utanom verneområde.

Vedtak

NRK Hordaland får med heimel i naturmangfaldlova § 48 dispensasjon frå verneforskrift for Jotunheimen, jf. verneforskrifta § 4, for bruk av snøscooter i samband med filmopptak for dokumentarprogram om Lom Tamreinlag.

Løyvet blir gjeve på følgjande vilkår:

- Omfanget av snøscooterkjøring innan nasjonalparken må avgrensast til det som er strengt nødvendig for å gjennomføre gode filmopptak på ein effektiv måte.
- Statens naturoppsyn v/Rigmor Solem (tlf. 959 65 158) skal ha melding om vald dato seinast dagen før transport skal skje.
- Løyvet gjeld for ein dag i veke 2 i 2016 på eigna plassar nær opphaldsområdet for tamreinflakken på det aktuelle tidspunktet, som omsøkt.
- Filminga bør fortrinnsvis leggjast til vekedagane måndag-torsdag. Ved vanskelege værforhold kan fredag 15.01.16. vera reservedato.
- Det skal sendast ei enkel tilbakemelding på e-post med opplisting av dato og nytta lokalitetar, så snart oppdraget er gjennomført.

Nasjonalparkstyret oppfordrar til at motorisert ferdsel for filmopptak i størst mogleg grad skjer utanom verneområdet.

ST 65/2015 Eventuelt

Saksprotokoll i Nasjonalparkstyret for Jotunheimen og Utladalen - 27.11.2015

Vedtak

Ingen saker under *Eventuelt*. Styret avslutta med å takke for samarbeidet i perioden.